

# HUGS OG HIBYLI

NR. 302 • 3.TBL. • 2013 • VERÐ 1695 KR.

ÍSLENSK HÖNNUN  
BLÓMSTRAR Í MARS

HELGA ÓLAFSDÓTTIR  
FATAHÖNNUÐUR  
BÝR VIÐ SJÓINN

HANNAÐ Í  
ÍSLENSKT ÁL

ÞINGMAÐURINN  
GUÐMUNDUR  
STEINGRÍMSSON  
BOXAR Í ELDHÚSINU

LÍFIÐ ER DISKÓ!  
SAFARÍSTEMNING  
Á FLOTTU HEIMILI



LITADÝRÐ  
Á HÖNNUNARSÝNINGU  
Í FRANKFURT

LOGI BERGMANN Á 50 ÚR

90002



- 8 *Innanhússráðgjöf*  
 10 *Hitt og þetta*  
 14 *Formsegurð*  
 16 *Speglablæti*  
 18 *Maðurinn á bak við S/K/E/K/K*  
 20 *Forsíðuinnlitið*  
 28 *Innblásið af innlitinu*  
 30 *Innlit til Ígló-drottningarinnar Helgu Ólafsdóttur sem, ásamt manni sínum, á fallegt og barnvænt heimili við sjóinn.*  
 38 *Öðruvísi uppdekkuð borð fyrir fermingarveisluna*  
 42 *Búðaráp – fermingargjafir undir 5.000, 10.000 og 15.000 kr.*  
**46 *Innlit til arkitekts sem býr smekklega og á marga fagra stóla***  
 52 *Við heimsóttum Guðmund Steingrímsson, þingmann og tónlistarmann með meiru, og Alexiu Björgu Jóhannesdóttur leikkonu en þau búa á fjörmiklu heimili í Vesturbænum.*  
 60 *Íslenskir hönnuðir hanna í ál*  
 64 *Hvað er hönnun? Og hver er munurinn á handverki og hönnun? Við fengum sex álitsgjafa sem allir tengast hönnunarheiminum til að koma með sitt álit.*  
 70 *Sýning Fatahönnunarfélags Íslands á HönnunarMars – við fengum að laumast inn og sjá listaverkin í vinnslu.*  
**74 *Sumarið 2010 var íslensk lúxusvilla í Arizona á forsíðu Húsa og híbýla; hjónin Kristján Sigurðsson arkitekt og Inga, sem er innanhússarkitekt, eru flutt!***  
*Nýja húsið er glæsivilla eins og hitt og að sjálfsögðu hönnuðu hjónin mestallt sjálf.*  
 82 *Loftið er nýr bar í bænum*  
 84 *Gersemar Guðrúnar Guðjónsdóttur fatahönnuðar*  
 86 *Innlit til Bjarna Viðars Sigurðssonar, keramíkers og fyrrverandi bankastarfsmanns.*  
 92 *Kristinn Magnússon ljósmyndari tók myndapháttinn Gangverk. Tékkid á þessari ljósmyndalist sem prýðir sex síður í blaðinu.*  
 98 *Handgerðir íslenskir fuglar*  
**100 *Blaðamaður Húsa og híbýla skellti sér til Frankfurt á risastóra hönnunarsýningu þar sem litadýrðin var áberandi í því sem koma skal.***  
 106 *Vinnustofa listamanns*  
 110 *Nýtt efni! Við á ritstjórninni látum okkur stundum dreyma um fallega hluti og ritstýran riður á vaðið og velur þá átta hluti sem eru á óskalistanum.*  
 112 *Ný hönnun – Askur*  
 114 *Fagurkerinn Logi Bergmann safnar úrum*

# ARKITEKT GETUR VERIÐ EINS OG GÓÐUR SÁLFRÆÐINGUR

Peim líður vel í Arizona enda eru þau hjónin Inga Valsdóttir og Kristján Sigurðsson að fást við áhugamál sitt, að hanna vistvæn heimili. Þau eru sammála um að ef húsbýgging eigi að heppnast, þá þurfi fólk að þekkja sjálft sig vel. Vita hvað það vill, og hvað ekki, og gera sér grein fyrir hve mikið af fjármunum eigi að renna í bygginguna og innviði hennar. En númer eitt, tvö og þrjú skipti máli að velja góðan arkitekt. Hann sé eins og sálfræðingur sem geti hjálpað fólk að skilgreina enn betur hvað henti best.

TEXTI: KATRÍN BRYNJA HERMANNSDÓTTIR

MYNDIR: MICHAEL BAXTER - BAXTER IMAGING


Inga Valsdóttir innanhússhönnuður og Kristján Sigurðsson arkitekt. kandihomes.com.




**Stærð húss og skipulag.** Húsið er 380 m<sup>2</sup> fyrir utan bílskúr sem er um 80 m<sup>2</sup> til viðbótar. Það var ansi þreytt en mjög vel hannað á sínum tíma og hafði góð bein sem auðvelt var að vinna með. Við tókum það niður í fokhelt og rúmlega það.

**Hvernig mynduð þið lýsa stílnum á heimilinu?** Hérna kallast það „Mid-Century Modern“ og á við hús í pessum stil sem voru byggð á árunum 1960-1975. Þetta er einfaldur stíll sem á rætur sínar að rekja til „Bauhaus“ og „The International Style“. En hann hefur staðist tímans tönn og

þykir mjög eftirsóttur stíll í dag. Húsið er einfalt og stílhreint, mjög opíð og bjart, með stórum gluggum sem horfa yfir borgina. **En hefur stillinn ykkar breyst?** Já, að því leyti að það er mikilvægara að hafa húsin hlýleg og heimilisleg, þægilegri að búa í. Módern arkitektúr getur verið kaldur og fráhrindandi ef ekki er passað upp á þetta. **Nú hljótið þið bæði að hafa sterkar skoðanir á því hvernig hlutirnir eigi að vera.** Eruð þið oftast sammála? Við erum nú yfirleitt sammál um allt sem skiptir máli,





en ekki alltaf. Það kemur stundum fyrir að annað okkar hefur mjög sterka skoðun á vissum hönnunaratriðum og gefst ekki upp fyrr en hinn aðilinn lætur undan en undantekningalaust hefur það verið til hins betra þegar upp er staðið.

**Eigið þið ykkur uppáhaldshönnunar-tímarit?** DWELL, Home and Architectual TRENDS og LUXE Interiors & Design  
**Hvar verslið þið helst fyrir heimilið?** Á mörgum stöðum. Húsgögnum koma flest úr


Copenhagen, Thingz eða Crate & Barrell. Svo kaupum við líka mikil á Netinu, en þar má finna nánast allt sem hugurinn girnist.

**Ef þið kæmust í töfrasprota?** Yrðum við þá ekki að leysa öll heimsins vandamál?

**Uppáhaldssetningin ykkar?** „It is what it is.“

**Þið hafið verið að hanna vistvæn-híbýli. Er það flóknara, dýrara eða eftirsóknarverðara?** Það þarf ekki að vera flókið eða miklu dýrara ef heilbrigð

skynsemi er höfð í huga við val og hönnun. Svo getur það líka verið flókið og mjög dýrt ef farið er út í öfgar. Vistvænast út af fyrir sig er að gera upp gömul hús í staðinn fyrir að rífa niður og byggja nýtt. Annars er þetta allt að breytast mjög hratt, bæði tækni, kostnaður og reglugerðir. Til dæmis má nefna að sólrafalkerfið sem við settum á síðasta hús fyrir um fjórum árum síðan hefur lækkað um meira en helming í verði síðan þá.



„Við gætum alveg hugsað okkur að vera í þessu húsi það sem eftir er. Okkur finnst bara allt of gaman og gefandi að hanna og byggja hús svo við setjumst ekkert í helgan Stein í bráð.“





„Ef staðurinn er réttur og fólkí  
líður vel er alveg hægt að hanna  
hús sem nýtist alla ævi.“





## HNOTSKURN

**Heimilisfólk ...** Við búum hérna með sonum okkar tveimur, Kristjáni Leifi, 20 ára, og Sigurði Sveini, 18 ára. **Hjarta heimilisins ...** eldhúsið, stofan og skrifstofan sem eru samliggjandi í miðju húsinu. **Eftirlætishluturinn á heimilinu ...** eru tölvurnar. **Foreldrarnir kennu okkur ...** að mennta okkur og vera dugleg að vinna. **Besta ráðið til að halda hreinu ...** að drasla ekki út og taka til jafnóðum. **Við heillumst af ...** hvort öðru. **Besta lyktin ...** hreint loft úti í garði eftir góða rigningu. **Fallegasti liturinn ...** enginn einn – það fer alveg eftir því hvar og hvernig þeir eru notaðir. **Listamenn sem fegra heimilið ...** það eru mjög margir viða að úr heiminum. Af þeim íslensku erum við með Bilson, Karólínu, Koggu, Kvaran og Línu Rut. **Það dýrmætasta á heimilinu ...** eru strákarnir okkar. **Uppáhaldsverslun innanlands er ...** Heimahúsið. **Okkur dreymir um að eignast ...** næsta hús. **Við söfnum ...** vinum. **Við elskum vinnuna okkar af því að ...** hún tengir okkur vel saman í hjónabandinu og gefur okkur endalaust eitthvað til að tala um. **Eftir langan vinnudag slöppum við af með því að ...** fara í gufubað, sitja úti við eldstæðið og njóta sólarlagsins eða horfa á bíó. **Tónlistin sem ég hlusta á er ...** gervihnattaútvarp (Sirius/XM), stöð sem kallast Coffehouse. **Sparnaðarráðið er ...** að kaupa ekkert nema eiga fyrir því og skulda ekki neitt. **Ef peningar væru engin fyristaða ...** myndum við útrýma hungri og fátækt í heiminum. **Skemmtilegast er ...** að hanna og byggja hús.

Baðherbergið er gullfallegt.



Biósalur

